

دوداخ بوزماخ چئوپرهن: لاله جوانشیر

نئچه ایل قاباخ اریمنن تئاترا گئتدوخ. فیکر ائلیرم لیلی مجنون تئاتری ایدی. دوز-عمللی یادیم گلمیر. چوخدانین سؤزودی. یادیم گلیر، انتظار سالونوندا یاخجی احساسیمیز وار ایدی. اما بو احساسین تئاترین اؤزونن چوخ اولدوغوموز یئرہ ربطی وار ایدی؛ گؤزل، اوجا سققلی سالونا، کنده کاری اولونموش آغاش قاپیلارا، صدللره و هامیسیندان مهمی پردهلره. البته آداملارا دا وار ایدیلر، هر گون گوردوغوموز آداملردان بیر آز فرقلی آداملردیلار. اصلا هر گون ائله دیغمیز ایشلردن فرقلی ایدی و بو بیزی راضی ائلیردی. سالوندا، بیر بیریمیزن دانیشا-دانیشا گؤزلریمیز تانیس آدام آختاریردی. یاخجی احساس تئاتردان چیخاننان سورا، حتی بعضی وقتلر اونان نئچه گون سورا دا واریمیز ایدی.

ایندی اما بوجور احساسلار آزاراخ سوراغیمیزا گلیر. چونکی داهی تئاترا گئتمیروخ. اریم چوخ ایشلیر، همیشه ده ائوه گئج گلیر. منیم ده اوره بیمنن گلمیر بوجور داشدان چیخان پولی بیر گئجه ده تئاترا خرچلی یم. آت آلماخ، اوشاخلارین بدینه پروتئین یئتیرماخ روحا غذا یئتیرماخان موهومراخ اولوب. تئاترا گئتدیغمیز گون، اول اوشاخ واریمیز ایدی. اما معلومدو کی اونو اؤزوموزن آپارمامیشدوخ. یادیم گلیر کی بو موضوع نه قدر بیلهمه جذاب ایدی. بو کی بیر یئرہ گئده سن کی روحی لذت فقط سنین اولا، ایجازن ده اولا اوشاغوی اپارمیه سن و بو دونیانین لاپ طبیعی ایشی سایلا. سورالار بو اتفاق آزاراخ

دوشدو. اوشاخلار یاواش-یاواش حیاتیتمیزی اشغال ائله دیلر. اولارسیز هئج نه بین معناسی یوخیدی.

جمعیت نن باهم سالوننان چپخاندا گنجیه دیدوخ. خیوان یاش و خلوت ایدی، هاوا دا نملی و یونگول. خیوان قیراغینداکی آغاشلارین تبتیرهین خول بوداخلاریننان یاغیش دامجیلیردی. تصمیم توتدوخ ائوه پیاده گنڭاخ. اریمین قولوننان یاپیشدیم. قدملریمیزین سسینه قولاخ آسماخدان خوشوم گلیردی. یادیم گلیر، هئش نه دن نییه ران دیردیم. دوزون دئسم او گون عمر و مون لاپ آسوده گونلرینن بیر ایدی، اولدوغونو دا بیلیردیم. اورهیم ایستیردی او گنجهنن یئریماعی هئش واخت قوتولمیه. اریم زمزمه ائله دی.

"کوهلوخ دونوزلارین صفتی دی."

بونی مجنون دئمیشدی. اریمین ذهنی قیسا جمله لر کلکسیونو ایدی. او بو قیسا جمله لره عاشیق ایدی. اولاری نئچه دفعه تکرارلاماغان قوی حافظه سینه تاپشیریردی و یئری گلنده یاخجی جانا استفاده ائلیردی. بعضی وختلر لازیم اولسا کاغذ اوسته یازیب کؤینه بینین جیبینه قویوردی. هر دفعه پالتارلارین یوباندا دقت ائلیردیم جیب لرینده کاغذ قالماسین. شعرلری و آلت آلتا یازیلیمیش قیسا جمله لری اوخوردوم. نظریمه قیریق-قیریق بی هویت کلمه لر گلیردی لر، هئج درده ده دیمزدیلر. اما اریمین بو ربطاسیز، پرت کلمه لری بوتون حیاتا یاپیشدیرماخدا عجیب استعدادی وار ایدی.

او گنجه بو جمله بیزیم زندگانلیغا گیردی و هله ده کی هله دی ائشیه چیخمی ییب. اولده بربرزه اوخشوردو. اریمین ذهنی نین زینتی اولان چوخلو جمله لر کیمی ایدی. او اولاری چیلچیراغ کیمی ذهنی نین سقیندن آسلیردی کی قارانلیخ بور بوجاخلاری ایشیق ساخالاسین. من اونون ترسینه دیدیم. کتاب اوخوسئیدیم، ائلییه بیلیمزدیم مکرر اوننان دانیشام. اگر بیر سوروش سئیدی:

"تئاتر نه جور ایدی؟"

دیبردیم: "یاخجی."

ائله بو . سورا دا، یادیمانان چیخاردی. اما اریمین هر شئی یادیندا قالاردی. ائلییه بیلریدی تئاترین موردینده اؤزونن چوخ دانیش سین. حتی نئچه ایل سوراسی دا ائله جزئیات دئسین کی ائله بیل تازالیخدا گوروب.

یادیمان گلیر، او گنجه اریم بو جمله نی نئچه دؤنه تکرار ائله دی. شیرین لیبینی آغزیندا قالان ساققیز کیمی دولاندردی. او لحظه اوره ییمی بیر شئی سیخدی. اما اهمیت وئرمه دیم. جراتیم یوخیدی مخالفت ائلییم. هم اونا گوره کی او گونلر هنرمندلرین آغزینانن مننه چیخسئیدی بیلهمه وحی منزل ایدی، همده کی هر دن اریمین منیم نظریمه کلمه لرین بی منظور اویناماخ گلن بو سرگرمی سینن خوشوم گلیردی. فیکریمه ده چاتمازدی بو تفنن اوچون دئیلن ربطسبز جمله لر بیر گون حیاتیما واقعی مزاحیمه چئوریلر.

اوننان نئچه آی سوراکی بیر داعوادا بو جمله بیر دفعه ده آرییا گلدی. اوزون مدت میریغا یاتیب مناسب لحظه ده اؤزونی گورستمخ ایستی بن آداما بنزیردی. نئچه ایل سورا اؤزومنن هویوخدوم او لحظه کی دعوانین اورتاسیندا "بو جمله ائشیتدیم لاپ احمقانه جمله دی" قیشقیردیم. اؤزومنن بیر جوره دفاع ائلیردیم. قارنیمدا آیری بیر اوشاق وار ایدی و پیس جوره کؤکه لیب آغیرلاشمیشدیم. اریمین گؤزلری پاریلدادی. آنادیم کی، حساسیت یمنن جمله نین حیاتیما حضورون همیشه لیخ ائله میشم. دا اوننان قورتولا بیلمزدیم. اؤز الیمنن جمله نی بیر اسلحه یه چئویرمیشدیم. ایندی اریم اوننان منه شیللیک ائلییه بیلردی و من گونلر و هفته لر یارالی و داغینیخ یئریمده قالاردیم. او بیرری ایلدرده کی داعوالاردا اوزدن گئتمه دیم. دئدیم، دونیا دولودو دوغوز صیفت آریخلارینان. اریمین بش قرده شی وارایدی، بشی ده بیر بیرینن آریخ. بعضی وقتلر لجیمنن دئیردیم:

"سیزی هانسی قَمیش لیخدان کسبیلر؟"

اما قیسا جمله ائله اۆز حیاتینا ادامہ وئیردی. اولووی مجنون او سمیمیت میس باخیشلارینان، پؤرتموش اوزوین جینیمی چیخاردیددی. تئاترین کارگردان و یازیچی سی یادما دوشدو. تئاترین آخیرینده باخانلارین تشویقینه جواب وئرمخ اوچون سن اوسته گلدی. بالاجا بیر تعظیم ائلیین ده، گیرده یئکه قارنی چورخاخ گؤزه ووردی. نه جور ائلییه بیلیمیشدی بئله بیر جمله نی مجنونون آغزینان دئسین؟

اصراریم واریدی کی، آداملارین حقینده کؤهلوخ-آریخلخ اوزون قضاوت ائله ماخ اولماز. اریم سویوخ قانلی لیغان دیردی:

"ئییه اولمور، اولار."

آبری شیلرده ده بئله ایدی. اریم حاضر ده بیردی عمومی و حاضر-آماده قضاوتلردن ال چکه. چوخ بزه نیب بیخیال ساققیز چئینه نی، یادا کیشی لرین جمعینده قیچینی قیچنین اوستونه آشیریب سیقار چکن خانیمین حؤکمو همان لحظه صادر اولوردی. شهرستان محیطینده اؤزگه لرین فیکرینه اهمیت وئرمه دن خیاباندا ایپ کئشدی اوینین (اویانیان)، قیفی دوندورما ییین جوان قیزلارین وضعینه گرک کی شک ائلییه سن. اریم دیردی:

"ظاهر ایچری نین آیناسی دی. روحنان جیسمین مستقیم رابطه سی وار. اولمازکی ایچریده بیر شئی اولاسان اما ائشیکده اونان هئش نه گؤرسنمییه."

دیردی، ائشیکده کی نشانه لر آداملارین ایچلرینده گیزله تدیخلاری هر نه بین آچاریدی. و اریم اول باخیشدا آداملارین ظاهر و رفتارلارینان نشانه لری تاپیردی.

دیردیم:

"نشانه لر همیشه ده قطعی و دقیق ده بیرلر. اولارا چوخ دا اعتماد ائله ماخ اولماز."

دیپردی: "گۆرست کی ده بیرلر."

بئله اولوردی کی بوتون فک-فامیلین قارین بوغارساغین بیربه بیر ائشیه توکوردوخ، هره سینین ده اوستونده حسابی داعوا یولا سالیردوخ. اریم حتی آداملارین گله جاغینان دا خبر وئیردی.

قرده شی قیزی فعال و زیرک بیر قیز ایدی. اریم نظر وئیردی.

"اره گتتماخ همان قورتولا جاخ."

و او بیر قیده شینین اوشاغینا گۆره دیپردی:

"بو اوشاخ اۆزون اۆلدورسه ده نقاش اولانماز. استعدادی یوخی. حیف او پوللارا کی بونون رنگ ور-وسایلینه وئیرلر."

دئدیخلاری چوخ وقت دوز چیخیردی. دیلینده کی قلیعتدن آجیغیم گلیردی. قورخوردوم. شوم بایقوش کیمی نه دئسئیدی دوز چیخیردی. ایشیم اولموشدو مداوم اما بالاجا تلاشلاردان دفاع ائله ماخ. بیرینین انگلیسی کلاسینا گتتماغینان دفاع ائلیردیم، او بیرسینین خاریجیه یه سفر آرزوسونان. او بو ایشیمه مذبحانه عمل دیپردی.

قرار ایدی بیر گون منیم باجی قیزیم انگلیسی دانیشا بیلسه اریم آدین ده ییشسین. چونکی فکر ائلیردی محالیدی.

"تبلدی، زبان اوخور چونکی زبان اوخوماخ موددی."

اریم گینه آدین ده ییشدیره دی اگر همسایانین خانیمی رانده اولسئیدی. اونون تصادف خبرین اۆزده دوز گواهینامه آلدیغی گونون سحریسی ائشیدنده، اۆز ده آز قالا اۆز باورلرینه اعتمادین شدتین بوغولموشدو. دۆردومونجو طبقه دن گلن اورگ سسینه قولاخ آسیردی.

"چوخ اۆزون اۆلدورسه اولار مجلس موطفوفو، اما چالان اولانماز."

دیردی: "سن واقعیت دن هئچ نه بیلیرسن. یعنی بیلیرسن. اما گۆزوو یوموسان. اؤز خیالیندا توهملریوونن یاشیرسان."

اریم واقعیت آدینان بوتون خام و پیشمیش خیاللاری قتل عام ائلیردی. داوامیز او وقت اووجا(OC) چاتدی کی باشلادی مینم گله جاغیمی پیش بینی ائله ماغا. بعضی گونلر وارایدی، اؤزمو اوتا سویا ووروردوم بلکه ازدواج دان قاباخکی آزاد و مستقل گونلریمه قئیدم اما اولموردی. ایکی اوشاخ دوز-عمللی ال-قولومو باغلامیشدی. گونلریمی بیریرینه تایی ائلیین بار-بهره سیز روزمرگی دن، وعد وئرمه دینی گله جاخدان یورولموشدوم. دیردی:

"اؤزوو یالاننان یورما. اوغلانلاریوی بؤیوتسن چوخدو."

اما اؤزونه بوجور شئی لر بس ده بیردی. باشیندا بؤیوک ایده آللاری واریدی. هردن ائودن و اوشاخلاردان دئدیخلاریمنان جانا گلیردی. یوروجویدوم اما دا نئینه ماخ، هئچ نه ائله ماخ اولمازدی. بیردن ایسته سئیدیم اوننان دوستونون ایکی نفره صؤحبت لربنه قولاق آسام یاواشجا دیردی:

"باشین اؤز میزینده اولسون."

اول دفعه کی گۆردو ورزش ائلیرم گولومسه دی. ایشه گئدیردی. باشماخلارین گیب منه الینن بای-بای ائله دی، موفقیت آرزولویان آداملار تکین. ورزش ائله ماغیم بیر هفته منظم ایدی. سورا اولدو بیر گون هن بیر گون یوخ. ائله گۆرستدیم کی ادامه وئیرم.

بیر دفعه شام باشیندا سوروشدو

"ورزش دن نه خبر؟"

تیکه بوغازیمدا قالدی. متوجه اولدوم کی چوخ بییرم. میز اوسته کی خوروشتا باخدیم.

"هئچ، گئدیرم."

آنیمه، بویوما باخیب میزی-میزی گولدو.

"بللی دی"

سورا دا او آدلیم داستانی تعریفله دی کی، طرف دیبرمیش حامامدان گلیرم اما دیزلری قپ-قره ایملش.

وزنیم گون به گون یوخاری گنیدردی، اریمین گولوشلری نین زهری ده. دیبردیم پاییزدا هم درسه باشلییا جغام هم ورزشه. مین دانا آیری ایشیم، برنامم ده وار ایدی کی، آیری آی و فصل لره قالیردی. هر گئجه گوروردم بیر گون ایتیرمیشم اما منی ایسته دیخلاریم ساری آپاران بیرجه آددیم دا آتامامیشام. حیس ائلیردیم هر گون شل لوخ و بی اراده لیخ قویوسوندا چو خراخ باتیرام. اگر بیر گون بو تازا دردی یادیمنان چیخاتمیش اولسئیدیم، اریم آماده ایدی کئفنن اونو یادیمنا سالسین. بیر اشاره بنن، بیر باخیشینان باشا سالاردی. ائله بیل دیبردی، سنن بوننان آرتیخ انتظار یوخدی.

یاواش-یاواش هر گون بیر آزدا گوزومده معنی سین ایتیرن بو یاشایشین کینه سین اوره ییمه سالدیم. میزی-میزی، یاواش-یاواش منن اوژومون فصله می چوخادیردی. اریم گوله-گوله کوره ییمه ووروردی.

"سن بوسان. اوژونن قاچانماسان."

اما ایسته میردیم بو اولام. ساواشیردوخ و من هر شئین آجیغین اونون باشیندا آچیردیم. چوخ خونسرد جوابیمی وئریددی.

"من هرگون سحر ایشه گئدیب آخشام گلیرم. زندگاننوخ سنین اختیاریندادی. آزادسان نه ایستیرسن ائلییه سن اما سن هئش نه ائله میسن. چونکی ائلیینمیرسن. تنبل سن. ائلیینمیرسن یئمیه سن، ناهاردان سورا یاتماخدان واز کئچه سن. بیر شئی اولماخ شوخلوخ ده بیر. زحمت ایستیر. هر ایش زحمت ایستیر. بیب یاتماغینان معلومدو آدام بوننان آرتیخ اولانماز."

ايندى داھى لوبيا دا تميزلى يَندە گۆزومنى ياش چىخىردى. اوغلو قوجاغيما گليردى.

"آغليرسان؟"

"يوخ اوغلو، گۆزوم آجيشير."

"سوغاندى؟"

ايندى داھا هر شى سوغان ايدى. قيرمىزى بادىمجان سوغان ايدى، خيار سوغان ايدى، بعضى وختلر حتى يئر كۆكى سوغان ايدى.

اوشاخلارى حامامدا يويوندوردوم. اوزون موددت سودا اويناماخلارى منى حىصلنديريردى. ايستىرديلر بيله لرينه شعر اوخووام. ائليينميرديم. قويوردوم تلوزيون قاباغيندا ياتسينلار. تنبل لييم گليردى ناغيل اوخووام. هئش نه يه حوصله م يوخيدى.

بیر گئجه اريمين يانيندا آغلاديم. كيتاب اوخوردى.

"گينه گوناھ مندهدى؟"

هئش نه دئمەدیم. بيلميرديم.

"هر كس اؤز زندگانليغي نين مسؤلودو. سن كى آلتينان قاچانماسان. اؤزون بو

زندگانليغي سچميسن."

آدى سچماخ ايدى؟

"بيليرم. ايسته مەلى ده بيلير. من ده ايسته ميرم اما گينه ده اؤز سعى يمي ائليرم.

چونكى بيليرم بير خانوادە نين مسؤلويم."

اريم او گئجه مهربان ايدى. كينايەدن، ساشماخان خبر يوخيدى. سعى ائلهدى

منه اورك وئرسين. سحر چاغى يوخودان اميدلى دوردوم. صبحانه باشيندا تازا

برنامه لريمنن دانيشديم. اريم دولو آغزينان نظر وئردى.

"نه اشكالى وار، ائله."

سورا دا قويدو صبحانه قوتولانا جان دانیشام. صیبرن سۆزلریمه قولاخ وئردییی اوچون اوندان ممنون ایدیم. کیفیم گۆتوروب گئتدی. پنجره دالیسینا گتدیم، گۆزلهدیم پیللهدن ائیب حیطه یئتیشه. شیشه نچه ضربه ووردوم. باشینی قالخیزیب منی پنجره دالیسیندا گۆردی. گولومسونوب بای-بای ائلهدی، موفقیت آرزولویان آدمالار تکین.

کوچه او یوخاریدان گۆرسه نیردی. اریم مصمم آدیملارنان اوزاخلاشدی و حتما بیر ماشین ترمز ائلهدی کی قاشدی ارزونو وقتینده چاتدیرسین. خیالیم اونان ماشینا میندی. هر شئی دالیدا قالمیشدی. قیافه سیندن بللی ایدی کی داهی قاباخداکی گونه فیکرله شیر.

اوردا، پنجره دالیسیندا اوتوروب دوشوندوم ایندی نئینه مه لیم. برنامه لیم بیهوده نظره گلیردی. حساب-کیتابسیز خرجه دیم پوللار کیمی ایدیلر، ایندی ده الیم بوشا چیخمیشدی. فیکر ائله دیم اریم ده بونی بیلیردی. اؤزومنن ده یاخجی بیلیردی. آهان-اوهوم ائله ماغینی یادیم. عمرومه اول دفعه ایسته میردی اوزومه وورا. باشا دوشموشدو کی ظرفیتیم یوخدو.

او گونن سورا سوسدوم. برنامه و تصمیم لریمن اونا هئچ نه دئمه دیم. داهای دوغروسو تصمیم ده یوخیدی کی دانیشام. فیکر ائله دیم گۆرولمه میش ایشدن دانیشماخ دونیانین لاپ احمقانه ایشیدی. تصمیم کلمه سینی او گونن زندگانلیغیمدا مخرج ائله دیم. تصمیم منن گۆره جاغیم ایشین آراسینا فاصله سالیردی. بیر شئی لرین دالی دوشمه سینن دانیشان کلمه ایدی و من هئش نه یی دالی سالماق ایسته میردیم. آیری بیر کلمه یه ده احتیاجیم یوخیدی. فقط باشلامالییدیم. هاردان ممکن اولسا باشلامالییدیم.

اؤزومو بو زندگانلیغا تاپشیران کیمی گۆرسه دیردیم. اؤزومو امیدسوزلوخ مقابلینده قورومالییدیم. قولاخلاریمی بوتون سۆزلره باغلا دیم. قویدوم اریم گئجه نی باشا-

باش دونيانين و آداملارين تكليفين مشخص ائله سين. مخالفت ائله مه ديم.
انرژيم لازيميم ايدى.

بیر گون متوجه اولدوم کی داهی دئینمیرم. هئش نهدن شکایت ائله میرم.
اریمین تعجب ونون جواپیندا دئدیم کی دوز دئیر؛ من بو حیاتی اؤزوم
سئچمیشم، اودونا دا یانمالیام. اگر ایسته مه سئیدیم گرک اولدن گئدیردیم آیری
ایش دالیسیجان. بلکه ده اؤزوم بیلمه یه-بیلمه یه ائله بو جور یاشاماغی
ایستیرمیشم. بیر سورو آیری سؤزلر ده قوراشدیردیم. آلین یازیسی نین دا آیاغین
چکدیم آریا.

"آدام باشلییان دا هر شئی بیلسه آخیرینده هئش زاتدان ناراحت اولانماز."

سورا گولدوم و میلون اوستونده لم وئردیم.

"کؤلوخ دا پیس شئی ده بیر، دوغوز دا پیس حیوان. اتی تاپیلیمیان و
باھالی دی."

اریم شکنن نمه باخیردی. دیپردی بس بودا او بوش سؤزلردندی کی آداملار
بو جور وقتلرده دانیشالار تا آسوده یاشیبالار. اؤز قیسا جمله لرینن تقلب ائله دیم.

"کسه بیلمه دیغین الی اؤپوپ."

قیسا جمله لردن ناشی یانا استفاده ائله ماغیما گوره قاش-قاباغینی ساللادی.
باشلادی ساواشماغا و آجی-آجی دئدی:

"اما من اگر الی کسنمه سم مجبور دا ده بیرم اؤپم."

بوراسینا فیکیرلشمه میشدیم. اما گینه ده ادامه وئردیم. حقى بو قدر راحت اونا
وئردیغیمدان راضی گؤرسنمیردی، اما هئش نه دئمه دی.

ایندی کی باخیشلارینی اؤزومنین اوزاخلاتمیشدیم آرتیخراق انرژینن ایشه
باشلادیم. دوشمینن مقرینن تونل قازیب ائشیه قاجماق ایستیین پارتیزانین
احساسی واریم ایدى. آخشاملار ائوه گلنده منی ایشلیین گؤروردی. انوی گول

دسته‌سی کیمین تمیزلیردیم. یا بو اوشاخان ایدیم یا او بیرسینن. میز اوسته خریدلریمین حسابین یازیب وئریردیم اوخوسون. چاغیرسئیدی، گندیب یانیندا اوتوروب چینینه دایانیردیم، بی خیال و تنبل یانا. بعضی گئجه‌لر ائلییه‌جاغیمیز پس‌اندازدان دانیشیردوخ و گلن ایل داها یاخجی بیر ائو کرایه ائلییه بیلپ بیلیمیه‌جاغیمیزدان. تعطیل گونی اوشاخلارا کۆمه‌لیخ ائلیردی گمی دوزتسین‌لر، منده یانلاریندا اوزانیردیم. قویوردوم گون ایشیغی یومولو کبیریکلریمین اوستونده اویناسین. فقط دیرناغنین سینماسیندان نییه‌ران اولان درد-غم‌سبز خانیم‌لار کیمین اولوردوم. وزنیم آزالمامیشدی. اریم منی ازدیریردی.

"منیم توپول گۆزلیم"

بیر گون منی نصیحت ائله‌دی.

"بو قدر وقتیبوی اوشاخلارا صرف ائله‌مه. بیرآز دا کیتاب اوخوی."

دئدیم: "بو اوشاخلارین هره‌سی بیر کیتابدی."

و گولدوم. فکر ائله‌دیم کئشکه اؤزوم ده اؤز دئدیغیم سؤزه اینانسئیدیم. اریم راضی-ناراضی منه باخدی. دوغوردان دا یئکلتدیغیم اندام و بدنمنن، قیپ-قیرمیزی ال آیاغیمنان هئش ده قاباخکینا اوخشامیردیم. فکریمده روشن لیخدان هئش اثر-علامت قالمامیشدی. معلوم ایدی داھی چین-چینه تئاترا گئندنمزدوخ. بور جور تجملاتا باش قوشماق عادتینی یادیمیزدان چیخاران کارگرلره بنزیردوخ. اولای بیلردی تئاترین اورتاسیندا بیلهمیزی یوخی توتا. بونو او وقت آنادیم کی دوستلاردان بیر یوزه تئاتر بیلیطی آماق پیشنه‌د ائله‌دی. اریم تعارفونو رد ائله‌دی.

"ممنون، اما گرفتاروخ"

دوغوردان دا گرفتاریدوخ. بو تخس اوشاخلارنان تئاترا گئتماخ اولمازدی. بیر سی‌دی دستگاهی آلمان سینما دا تعطیل اولدی.

او گون تئاترا گتتماخ یئرینه تره‌بار میدانینا گتدوخ. اوشاخلار خرید چرخین سورماخ اوستونده ساواشدیلار. اریم گتدی کی حقی اولارین آراسیندا بؤلسون. اونان سورا تعطیل گونلری چین-چینه اوجوزلو بیر پاساژا گتدیردوخ. آخساملار دا فامیل لرنن کئچیردی. داھی هئش وقت تئاترا گتماخدان دانیشمادوخ.

اریمین کیتابالارین ورخلیرم. دردیمه ده‌یمیردیلر. چوخو اقتصادا، سیاسته گؤره ایدی. آرالاریندا نچه دانا دا تاریخ کیتابی واردی.

کیتابخانا کارتیمی تمدید ائلدیم. قدیم بیر دوستن تازاشدان ارتباطا کئشدیم. ایندی تازا چیخان کیتابالاری اونان آلا بیلردیم. درس کیتابالاریمی آنباردان چیخاریب تختین آلتیندا گیزلتمدیم. سحرلر اریم ائودن گئندن سورا اول درس کیتابالارین اوخوردوم سورا دا سؤدیم کیتابالاری. بعضی گونلر ده بولارین ردیفی ده‌ییشیلیردی. گون اورتایا یاخین سرعتن غذا دوزلدیب گینه‌ده اوخوردوم. هله بیر آز دا وقتیم واریدی. اوشاخلار یانینا گلیب بونومدان آسالنیردی‌لار. بدنلرین بیس ایی گلیردی. اؤپوب دیردیم بیر‌آز دؤزسونلر.

پالتارلارینی ده‌ییشدیردیم. بعضی وقتلر حاماما گئچ آپاریردیم. اریم گلنده هئش روحونون دا خبری اولموردی کی ایندیجه دونیانین او باشینداکی بیر ایالتدن، یادا اوزاق بیر یئرده‌کی خیاباننان قئیت‌میشم. عجیب-غریب آدمالارنان اوتوروب دوروموشام. فرقی احساسلار تجروبه ائله‌میشم و نچه ساعات اولار، تازا فیکیرلرن اوپالانیرام.

بیر دفعه، بیلیمه-بیلیمه اریمن دوستلارینین ایستی بحثلرینه قوشولدوم. اولارین فیکیرلرینین مخالیفی اولان فیکیرلر دیله گتیردیم. بیریندن سورا هامیسی من مخالفت ائله‌دی. اریم سؤزومی کسدی.

"سن نه بیلیرسن آخی؟"

قوناخار گئدن سورا استکانلاری میز اوستن توپلویوب الیمه وئردی یویام. سورا دا آشپزخانایا گلیب بشقابلارین آشقالین تمیزلییه-تمیزلییه قولاغیما اوخودو. "اودو دا دییرم کیتاب اوخی. بوجور بی خبرلیخ فاجعه‌دی. باشووی قاتمیسان معمولی زندگانلیغا، هئش نمه‌دن ده خبرین یوخ. آدامین بیر شئیدن باشی چیخماسا گرک اوزون یویولمامیش قاشیق کیمی اورتالیغا آتماسین."

ایچیمنن بیر احساس دییردی تله‌دی و من گرک بو تله‌یه دوشمویم. اما احمق ای‌دیم، دوشدوم. بو دؤنه قیشقیر باغیر نوبه‌سی منده ای‌دی. دئمه‌لیدیم کی باشینی آیندیب جیددی بیر شئی لرنن مشغول اولماسی لازیم اولان اودی. هر شئی ده کیتاب اوخوماخ ده‌ییر. دئدیم، اوخوماخان یاشاماخ بیر اولسا مهم‌دی. یوخسا آیری جور دوشونوب بیر آیری جور یاشاماغین نه فایده‌سی وار. بیلیمیر داهی نر دئدیم. اریم جواییمی وئرییدی و من بیر لحظه آنادیم کی او گینه ده کشمیش‌ده کی کیمی منی عصبانی ائلییه بیلیم. بلکه‌ده ائو توپوغوینان یاشامادیغینان خوشحال ای‌دی و پیش‌بینی‌لرینن ده بیر یئرلرده دوز چیخمادیغینان نییه‌ران. هله بو، ماجرانین هامیسی ده‌ییردی. ایستیردی بیلیمین بو قارما-قاریشیق یاشاییش‌یمین دالیسیندا نه‌لر باش وئیر. هانسی سیر منی بئله اوزلوله‌دیب. فیکیرلشدیم، ائله‌بیل چوخ یئیین گئتمیشم. بشقابلاری سرعتن الینن آلدیم.

"بولاری اؤتور. چؤره‌یه فیکیر وئر کی قاریز سودی. آجیمیزدان اؤلدوخ"

"یوخ، بیر دقیقه دؤز."

ایستیردی منی سیم‌جیمه چکسین. چؤرک سبدین میز اوسته قویدوم.

"اول غذا"

آشپزخانایا گئتدیم. چیراغی یاندیرمادیم. اوردان اریمه باخدیم. مهتابی‌نین ایشیغیندا اوتورموشدو. تلویزیون آچیق اولسادا معلوم ای‌دی کی باخمیر. فیکیرده

ایدی. غذا چکمه یی هاو اختاجان اوزالدا بیلردیم. اوینان اوز-اوزه گلمه یه مجبور ایدیم. بیلردیم کی بیر شئی لردن باش تا پماق ایستیر. لویا گتتمیشدیم و جواب وئرمه لیدیم. اریم سوئیموردو احمق گؤرسنسین یادا بیرى باشینا بؤرک قویسون. مین جوړه یولا فیکیرلشدیم. نه جور هر گونکی رولوما کئشمه لیدیم؛ بوتون درد-غمی اوشاق جیشی، اوشاق سوتو اولان خانیم رولونا. دا بو دؤنه آلانمازدی. باشینی آشاغی آیمیشدی و کؤینه یینین پلاستیک مارکی قاتدانیب ائشیه چیخمیشدی. منی گؤزلوردی.

غذانی های-کوپنن آپاریب باشلادیم و راجی ائله ماغا. اوشاقلاردان دئدیم. ساعتلاجا اولارا گؤره دانسشیا بیلردیم. زحمتی یوخیدی. دیلیمین اوجوندئیدیلار. اوشاخلارین بیرى یاتمیشدی. او بیرىسی ده دمیر آدام اویونجاغینان دانیشیردی. غذالارینی قاباخجاندان وئرمیشدیم. تلویزیونون کانالینی ده بییشدیم.

"ایندی سریال باشلار."

ائله گؤرسه دیردیم ائله بیل اضافی وقتلریمی تلویزیون قاباغیندا اوتوروب خانواده برنامه لرینه باخیرام. بعضی وقتلر کیتابلاردان اؤیرندییم سؤزلری خانواده متخصص لری نین دیلیجن دیردیم. بی ربط اولماخلارینا شک ائله میردی.

سالاد قابینی قاباغینا قويدوم. بیردن سوروشدو.

"دوستونان نه خبر؟"

منظورو کیتاب اوخویان دوستوم ایدی.

"اتفاقا نئچه گون قاباخ زنگ ووردی."

"یاخجی؟"

"هئج، حالی یاخجی ایدی. ایشین ن استعفا وئریب، ائوده اوشاخ بؤیودور."

"سنین کیمی؟"

"هن، منيم كيمي."

قايما ساليردى.

"سن كى اوشاخ بۇيوتمورسن."

اۋزومو ناراحتليغا ووردوم.

"بويورون گۇراخ بس سحردين آخساما نه غلطى ائليروخ؟"

چوخ جيددى اوزومه باخدى.

"اۋزون دء."

اۋزومو ووردوم گيچليغا.

"نه ديمم قردهش."

هر وقت بو لحن ن قردهش دئسم گولردى، ايندى گولمهدى. بوز كيمي اوزومه باخدى.

گنجه گوردوغوم ايشه فيكىرلشديم. ايستيرديم نه يى ثابت ائلييم. نئچه جلد كيتاب اوخوماغين نه خئيرى اولا بيلردى. گۇره سن درس اوخوماغان حياتيمى ايتيرديكلرينى دوشوندوكلريمه باغلييه بيلرديم؟ سورا نه اولارى؟ بو ايشنن حياتيمى محكم لهديرديم يا سوستالديرديم؟ اۋزوم ده دوز-عمللى بيلميرديم. اۋزومو اوغورلادىخلارينان نه جور استفاده ائلهماغى بيلمين اوغرو كيمين چيس ائليرديم. باش تاپانميرديم نيه بيردن بيره هدفلريم كيچيلىب گۇزومنى اوزاخلاشميش ديلار.

بلكه ده احتياجيم وار ايدى گولهنم. اما گۇره سن گيزلیدن گيزلييه گولنماخ اولار؟ قارانليخدا اوغورلوخجان گۇيلون ايستى ين كيمي ياشاماخ اولار؟ گيزلى دن اۋز ايستكلرينه جواب وئرماسخ اولار؟ بو نه جور قدرت ايدى كى ائشيكده هئش بير نمودو اولانميردى. اگر آيريسى يادا ان آز آدامين لاپ ياخين

آدامی اونو گۆرمه سئیدی نه ارزشی اولاردی؟ لاپ اولدن مشکوک گۆرسه نن
قدرت نه درده ده یردی؟

نه ینن ساواشیردیم. آلین یازیمنان؟ اریمنن؟ یوخسا بولارین هامیسی حیاتا
دوداخ بوزماخ ایدی؟ اونون دفاع ائله دیغی، ائله میینده ده اوزومه ووردوغو قطعیته
ساده بیر دوداخ بوزماخ ایدی. او گنجه یوز جوره آیری سواللار دا ذهنیمه گلدی
اما چوخونا جواب تاپانمادیم.